




BOSNIA AND HERZEGOVINA
FEDERATION OF BOSNIA AND HERZEGOVINA
SARAJEVO CANTON
"CANTON SARAJEVO MEMORIAL FUND"

2814

Broj: 13-04-IH/37-312-2/22
Sarajevo, 13.06.2022. godine

Bosna i Hercegovina
Federacija Bosne i Hercegovine
Kanton Sarajevo
SKUPŠTINA KANTONA
Kabinet predsjedavajućeg Skupštine



n/r Elvedin Okerić, predsjedavajući

PREDMET: Odgovor na inicijativu zastupnice Amre Junuzović Kaljić, dostavlja se
Vaš broj:06-04-18506-20/22

Na nastavku 52. Radnoj sjednici Skupštine Kantona Sarajevo, održanoj dana 30.05.2022. godine, u skladu sa Poslovníkom Skupštine Kantona Sarajevo podnijela je inicijativu „za obnavljanje sanaciju i rekonstrukciju „Sarajevskih ruža“, u skladu sa pravilima struke, poštujući njihovu historijsku vrijednost, te kreiranje plana za njihovo redovno održavanje“

U vezi pokrenute inicijative dajemo sljedeći

ODGOVOR

JU "Fond Memorijala Kantona Sarajevo" je tokom 2012. godine je pristupila realizaciji projekta "Opsada i odbrana Sarajeva 92-95" i poslovima sanacije/konzervacije *Sarajevskih ruža*, mjesta masovnog stradanja naših sugrađana tokom perioda protekle agresije na našu državu, u skladu sa Zaključkom Vlade Kantona Sarajevo (od 29.03.2012. g.) i Odlukom Ministarstva za boračka pitanja Kantona Sarajevo (od 13.04.2012. g; - feo.u pril.akta) u skladu sa "Elaboratom podprojekta 1.7" - navedenog Projekta stručnog tima Ministarstva iz 2007. godine te Smjernicama istoga. "Fondu Memorijala KS" je data saglasnost "da u isto ime i za račun Kantona obavlja navedene aktivnosti". Radovi zaštite/konzervacije *Sarajevskih ruža* u užem dijelu grada su se odvijali etapno, obzirom na sve involvirane strane u procesu rada, što je određivalo dinamiku izvođenja, sve uz koordinaciju od strane naše ustanove.

U periodu tokom građevnih sezona 2012-2014. godine, sanirano je 12 *Sarajevskih ruža*, predviđenih Ugovorom i verifikovanih od "Kantonalnog zavoda za zaštitu kulturno-historijskog i prirodnog naslijeđa Sarajevo"- uz neophodne zmjene pojedinih lokacija, po odluci supervizije i nadzora istoga. Izvođač radova bila je firma "Euro-Asfalt"d.o.o. Sarajevo. Time su okončani svi predviđeni radovi prve faze. U narednoj etapi radova (II-faza), tokom 2017. godine, izvedeni su radovi sanacije/konzervacije ukupno sedam (7), dogovorno odabarnih lokacija *Sarajevskih ruža*. Dinamiku radova su bitno uslovljavali vremenski uslovi, obzirom na primjenu više tehnoloških postupaka, uz obavezno tretiranje svake lokacija ponaosob, dok je dobavljanje neophodnih specifikovanih materijala vremenski variralo - obzirom da su boje za ispune kratera bile jedino

Tel.: +387 (0) 33 252-210, Fax.: +387 (0) 33 252-218, Širokac 22, 71000 Sarajevo, Bosna i Hercegovina
www.fondmemorijala.ba, protokol@fondmemorijala.ba

dostupne izvan BiH. Predmetni radovi su nastavljeni u 2018. godini, i sanirane su dvije (2) *Sarajevske ruže*, a zbog specifičnosti lokacije i propisanog tretmana sanacijski radovi su trajali nešto duže, u skladu s tadašnjim mogućnostima.

Shodno navedenom - do sada je sanirano ukupno 21 Sarajevska ruža locirana u užem dijelu grada, u skladu sa planom i ugovorima. Aktivnosti na sanacijama i zaštiti *Sarajevskih ruža* nisu okončane te su nerealizovani radovi (III-faza) prolongirani iz razloga nedostupnosti i nemogućnosti iznalaženja izvođača koji su u mogućnosti ispoštovati osnovne tehnološke uslove predmetih radova, u skladu sa "Elaboratom metodologije zaštite i konzervacije Sarajevskih ruža" izrađenim od strane "Instituta za materijale i građevinske konstrukcije Sarajevo" (IMK) za potrebe JU "Fond Memorijala K S". Naime, dosadašnji izvođači (Euro-Asfalt d.o.o; HM Tenax d.o.o.) su predhodnih godina radove izveli kvalitetno, po pravilima struke, metodologiji i smjernicama rada, tako da su sanirane *Sarajevske ruže* i dalje postojane, **ali nakon dostavljenih poziva za nastavak planiranih sanacija/konzervacija, nisu se odazvali na poziv za dostavljanje ponuda, uz obrazloženje da više nisu zainteresovani za izvođenje predmetnih radova.** Navodimo da JU "Fond Memorijala Kantona Sarajevo" **ulaže napore na iznalaženju rješenja** navedenog problema, kako bi se održao kontinuirani rad zaštite *Sarajevskih ruža*, jednog od simbola našeg grada i očuvanja uspomene na sve nevine žrtve agresije iz perioda 1992 - 1995 godine. Planirano je pristupiti obnovi preostalih sedam (7) Sarajevskih ruža sa verifikovanog spiska III. faze radova.

Finansijska sredstva potrebna za realizaciju ovog projekta iznose cca 10.000,00 KM. Napominjemo da je *Planom i programom rada* naše ustanove za tekuću godinu **predviđena sanacija pojedinih Sarajevskih ruža** koje su, u proteklom periodu, pretrpjele određena fizička oštećenja, što ukazuje na bitnost odabira izvođača radova, kao da će se voditi briga po pitanju "replika" *Sarajevskih ruža* definisanih Smjernicama *Ministarstva*; tačka 5. (u pril.akta)


O dinamici realizacije projekta ćete biti blagovremeno upoznati. Napominjem, da postoji spisak od 14 *Sarajevskih ruža* lociranih u Općinama Novo Sarajevo, Novi Grad i Ilidža, obavezu sanacije i njihove zaštite preuzele su iste.

S poštovanjem

Obradio/Kontrolisao:
Mirsad Delalić, pomoćnik Direktora

Prilog:
-fco. Zaključak/Odluka Vlade
i relev.info akati

Dostaviti:
- Naslovu
- Ministarstvu za boračka pitanja KS
- a/a






Broj: 02-05-8403-30.3/12
Sarajevo, 29.03.2012. godine

13-23-130/12
03.09.12

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na 63. sjednici održanoj **29.03.2012.** godine, donijela je sljedeći


ZAKLJUČAK

Zadužuje se Ministarstvo za boračka pitanja Kantona Sarajevo da u saradnji sa Fondom Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida sačini informaciju o potrebnim sredstvima za obnovu Sarajevskih ruža (mjesto eksplozija granata u toku proteklog rata) i istu dostavi Vladi Kantona Sarajevo.



Dostaviti:

1. Predsjedavajuća Skupštine Kantona Sarajevo
2. Premijer Kantona Sarajevo
3. Ministarstvo za boračka pitanja Kantona Sarajevo
- ④ Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida (putem Ministarstva za boračka pitanja Kantona Sarajevo)
5. Komisije za obilježavanje, čuvanje i njegovanje historijskih događaja i ličnosti za obnovu Sarajevskih ruža (putem Ministarstva za boračka pitanja Kantona Sarajevo)
6. Evidencija
7. Arhiva



web: <http://vlada.ks.gov.ba>
e-mail: premijer@ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1





Broj: 06-05-12792/12
Sarajevo, 13.04.2012.god

13-23-30/12
17.04.12

Na osnovu člana IV tačka 1.7 Odluke o usvajanju projekta „Opsada i odbrana Sarajeva 1992 – 1995. godine“ (Službene novine Kantona Sarajevo br. 9/06), te Zaključka Vlade Kantona Sarajevo broj: 02-05-8403-30.3/12, od 29.03.2012. god., ministar za boračka pitanja Kantona Sarajevo donosi sljedeću

ODLUKU
o davanju saglasnosti Fondu memorijala Kantona Sarajevo za realizaciju projekta
obilježavanja mjesta većih stradanja u opkoljenom Sarajevu - mjesta eksplozija granata
(Sarajevske ruže)

I

Za realizaciju aktivnosti regulisanih članom IV tačka 1.7 Odluke o usvajanju projekta „Opsada i odbrana Sarajeva 1992 – 1995. godine“ (Službene novine Kantona Sarajevo br. 9/06) Potprojekta obilježavanja mjesta većih stradanja u opkoljenom Sarajevu - mjesta eksplozija granata (Sarajevske ruže), a u cilju efikasne pripreme planiranja, izrade idejnog i izvedbenog rješenja, Ministarstvo za boračka pitanja Kantona Sarajevo daje saglasnost Fondu Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida da u ime i za račun Kantona (Ministarstva za boračka pitanja Kantona Sarajevo) pokrene i poduzme sve potrebne radnje i aktivnosti na realizaciji gore pomenutog Projekta.

II

Fond memorijala će navedene aktivnosti obaviti u saradnji sa nosiocima aktivnosti navedenih u Odluci, te drugim relevantnim subjektima i institucijama.

III

Po obavljenom poslu, Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida će podnijeti izvještaj Vladi Kantona Sarajevo uz saglasnost Ministarstva za boračka pitanja.

IV

Odluka stupa na snagu danom donošenja.

Dostaviti:

1. Fond memorijala KS, (Ulica: Širokac 22; 71 000)
2. a/a



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012, Fax: + 387 (0) 33 562-251
Sarajevo, Reisa Džemaludina Čauševića 1



DOP	OJ	Šifra	Veza
	220	222	

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

Broj: AČ 683/2012.

Datum: 28.5.2012.

MINISTARSTVO ZA BORAČKA PITANJA
Reisa Džemaludina Čauševića br. 1.

n/r gospodina ministra Nedžada Ajnadžića

13 - 23 - 130/12
Datum: 30. 05. 2012. god

Predmet: O "sarajevskim ružama"


Poštovani,

Najprije želimo iskazati naše zadovoljstvo pokrenutom inicjativom da se konačno zašтите i trajno sačuvaju svjedočanstva opsade „sarajevske ruže“. O tome smo saznali iz pisanja štampe i drugih medija.

Podržavajući Vaše djelovanje podsjećamo Vas da se „sarajevske ruže“, kao spomenici nalaze u evidenciji Kantonalnog zavoda za zaštitu kulturno-historijskog i prirodnog naslijeđa. Također želimo naglasiti da po Zakonu o kulturno-historijskom i prirodnom naslijeđu prilikom izvođenja bilo kakvih radova na spomenicima potrebno je dobiti saglasnost našeg Zavoda, a u cilju spriječavanja neadekvatnog tretiranja spomenika ili akcija kojima bi se mogao trajno izmjeniti izgled i autentičnost spomenika. Dakle, po pomenutom Zakonu ovaj Zavod je nadležan za poslove intervencija na spomenicima, te Vas obavještavamo da je neophodno uključiti stručnu službu Zavoda u poslove zaštite i obilježavanja „sarajevskih ruža“.

S poštovanjem,

mr. Amra Čusto
Viši stručni saradnik



Munira Buljina/dipl.ing. arh

- Dostaviti:
- Naslovu
 - Fondu Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida, Širokac 22
 - Euro Asphalt, Rajlovac b.b.
 - Službi zaštite
 - Arhivi



Broj: 06-40-12792/12
Sarajevo, 03.10.2012. godine

Fond Memorijala KS
ul Širokac br. 22.
71000 Sarajevo
n/r gosp. Nurudin Džiho, direktor

13-23-130/12
10-10-12


PREDMET: Smjernice za realizaciju potprojekta obilježavanja mjesta većih stradanja u opkoljenom Sarajevu „92-95“ god.
– mjesta eksplozija granata (Sarajevske ruže).

VEZA : Odluka Ministarstva za boračka pitanja KS
broj : 06-05-12792/12 od 13.04.2012.godine

Na sastanku održanom dana 14.09.2012.godine u kabinetu Ministra za boračka pitanja KS na kojem su pored ministra i njegovih saradnika još bili prisutni predstavnici Fonda Memorijala KS – direktor Nurudin Džiho i Fedina Ljubunčić, predstavnici Zavoda za zaštitu kulturno-historijskog i prirodnog naslijeđa KS-direktor Munib Buljina i Amra Čusto, kao i predstavnik firme „Euro-asfalt“ d.o.o. gosp. Haris. Tema razgovora je bila: Dogovor oko smjernica i iznalaženja najboljih rješenja vezano za pristup realizaciji potprojekta obilježavanja mjesta većih stradanja u opkoljenom Sarajevu – mjesto eksplozija granata (Sarajevske ruže).

Nakon duže diskusije te iznošenja stručnih mišljenja svih prisutnih iskristalisali su se sljedeći stavovi:

1. Direktor Zavoda za zaštitu kulturno-historijskog i prirodnog naslijeđa KS direktor Munib Buljina iznosi stav da se „Sarajevske ruže“ nalaze na evidenciji Zavoda kao zaštićeni spomenici i da se po Zakonu za zaštitu kulturno-historijskog i prirodnog naslijeđa izvođenje bilo kakvih radova a u cilju sprečavanja neadekvatnog tretiranja zaštićenih spomenika mora voditi računa o autentičnosti spomenika, zašto je potrebno obavezno dobiti saglasnost Zavoda za zaštitu kulturno-historijskog i prirodnog naslijeđa KS.
2. Ministar za boračka pitanja KS mr. Vahid Karavelić opravdano postavlja pitanje nestanka „Sarajevskih ruža“ sa ulica Sarajeva i kako i na koji način vratiti te ruže na prekrivena ili uništena mjesta. Iznosi stav ministarstva pozivajući se na potprojekat obilježavanja mjesta većih stradanja gađana u opkoljenom Sarajevu „92-95“ god. koji je usvojila Skupština Kantona Sarajevo 2006.godine („Sl. novine Kantona Sarajevo“ broj: 9/06), te na Elaborat tog potprojekta koji je izradio stručni tim 2007.godine po nalogu Zavoda za izgradnju KS,



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012, Fax: + 387 (0) 33 562-251
Sarajevo, Reisa Džemaludina Čauševića 1






kao jednog od nosilaca realizacije tog potprojekta. Tim Elaboratom je predviđeno tipsko idejno rješenje za sva mjesta gdje je stradalo 3 i više građana Sarajeva od jednog ubojnog sredstva sa svim potrebnim sadržajima („Sarajevska ruža“, spomen ploča sa imenima stradalih građana, žardinjere, klupe, jarboli, zaštitna ograda itd.) gdje je to moguće, odnosno gdje dozvoljava prostor.

Sobzirom na kompleksnost materije a u cilju sanacije, rekonstrukcije i trajne zaštite „Sarajevskih ruža“ kao svojevrsnih specifičnih spomen obilježja, te očuvanja i obilježavanja svih mjesta na području KS gdje je stradalo 3 i više nevinih građana od jednog ubojnog sredstva – granata ispaljenih sa agresorskih položaja donosim sljedeće

SMJERNICE

1. Da se u I fazi formira Stručna komisija sastavljena od predstavnika Ministarstva za boračka pitanja KS, Fonda Memorijala KS, Zavoda za zaštitu kulturno-historijskog i prirodnog naslijeđa KS i predstavnika firme „Euro-asfalt“ d.o.o. Sarajevo sa zadatkom da u užoj jezgri grada utvrdi broj postojećih originalnih mjesta eksplozija agresorskih granata od kojih je stradalo 3 i više nevinih građana opkoljenog Sarajeva (Sarajevskih ruža), iste evidentiraju, te u što kraćem roku dostave izvještaj Ministarstvu za boračka pitanja KS sa prijedlogom prioriteta za sanaciju.
2. Da firma „Euro-asfalt“ d.o.o. Sarajevo izvrši sanaciju, rekonstrukciju i trajnu zaštitu 12 originalnih mjesta eksplozija agresorskih granata (Sarajevskih ruža) u užoj jezgri grada, koje je utvrdila gore navedena stručna komisija i za koje je nalog dalo Ministarstvo za boračka pitanja KS, a u skladu sa potpisanim ugovorom broj: 06-14-17295/12 od 14.05.2012.godine.
3. Da u II fazi Fond Memorijala sukladno sa Odlukom Ministarstva za boračka pitanja KS o davanju saglasnosti Fondu Memorijala KS za realizaciju potprojekta obilježavanja mjesta većih stradanja u opkoljenom Sarajevu – mjesta eksplozija granata (Sarajevska ruže), (Odluka broj 06-05-12792/12 od 13.04.2012.godine) pristupi planiranju izrade idejnog rješenja za sva mjesta gdje je stradalo 3 i više nevinih građana u opkoljenom Sarajevu od 92-95. godine od agresorskih granata u skladu sa Elaboratom iz 2007.godine koji je uradio stručni tim angažovan od Zavoda za izgradnju KS.
4. S obzirom da obavezni sadržaj prijedloga idejnog rješenja mjesta većih stradanja građana u opkoljenom Sarajevu čini i „Sarajevska ruža“ – mjesto eksplozije agresorskih granata te



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012, Fax: + 387 (0) 33 562-251
Sarajevo, Reisa Džemaludina Čauševića 1





da su umeđuvremenu mnoga takva mjesta prekrivena, nestala ili uništena potrebno je idejnim rješenjem predvidjeti i umjetnički izraz replike „Sarajevske ruže“.

5. Replike „Sarajevskih ruža“ kao umjetnički izraz bi se postavljale na sva mjesta stradanja 3 i više nevinih građana opkoljenog Sarajeva od 92 do 95.godine gdje nepostoje sačuvani originalni krateri eksplozija granata u skladu sa Elaboratom iz 2007.godine.

S poštovanjem,

Prilog: Elaborat mjesta većih stradanja građana u opkoljenom Sarajevu od 92 do 95. godine.

Obr

Osm.....jlović



Dostaviti:

- ⊖ naslovu,
- Zavod za zaštitu kulturno-historijskog i prirodnog naslijeđa KS – ul Josipa Šadlera br.33. Sarajevo,
- „Euro-asfalt“ d.o.o. Sarajevo, Rajlovac bb.
- evidenciji,
- a/a.



VARIJANTA

8.

Bosna i Hercegovina
Federacija Bosne i Hercegovine
KANTON SARAJEVO
Ministarstvo za boračka pitanja



Bosnia and Herzegovina
Federation of Bosnia and Herzegovina
CANTON SARAJEVO
Ministry of Veteran's affairs

Broj: 06-40-19066/12
Sarajevo, 03.10.2012. godine

EURO - ASFALT d.o.o
Rajlovac bb
71000 Sarajevo
n/r gosp. Enver Ajanović, izvršni direktor

OPĆE PISANJE
SARAJEVO

Broj: 13-23-130/12.
Datum: 10.10.2012.god

PREDMET: Realizacija Ugovora o izvođenju radova na sanaciji, rekonstrukciji i zaštiti mjesta većih stradanja u opkoljenom Sarajevu (Sarajevske ruže),

VEZA: Ugovor broj : 06-14-17295/12 od 14.05.2012.godine

U skladu sa potpisanim Ugovorom između Ministarstva za boračka pitanja Kantona Sarajevo i firme „Euro-asfalt“ d.o.o. Sarajevo, broj i datum kao u naslovu, a u vezi sa članom II navedenog Ugovora, dostavljamo Vam adrese lokacija za sanaciju 12 (dvanaest) „Sarajevskih ruža“ u užoj jezgri Grada koje treba promptno sanirati, rekonstruisati i zaštititi, a koje je predložila Komisija sastavljena od predstavnika Ministarstva za boračka pitanja Kantona Sarajevo, Fonda Memorijala KS, Zavoda za zaštitu kulturno-historijskog i prirodnog nasljeđa KS i firme „Euro-asfalt“ d.o.o. Sarajevo.

Adrese lokacija:

1. Ispred katedrale Srce Isusovo – na platou prema ulici Ferhadija;
2. Sa lijeve strane katedrale Srce Isusovo – ul. Fra Grge Martića;
3. Iza Gradske tržnice – ul. Gajev trg;
4. Ul. Ferhadija br.5;
5. Ispred Spomenika ubijenoj djeci opkoljenog Sarajeva;
6. Ispred Opće bolnice „Prim.dr. Abdulah Nakaš“ – ulica Fra Grge Martića;
7. Ispred crkve Sv.Josip – naselje Marijin Dvor;
8. Ispred zgrade Parlamentarne skupštine BiH – Trg Bosne i Hercegovine;
9. Naselje Marijin Dvor – preko puta tramvajske stanice;
10. Ulica Hiseta - Naselje Marijin Dvor;
11. Na platou Historijskog muzeja BiH, u kamenim pločama;
12. Ispred kuće Kolara – Tunel spasa – ulica Tuneli br.1

? } dogovor!

ZAKLJUČAK ZA
TRG AUSTRIJE
(DOSTAVLJENA)



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012, Fax: + 387 (0) 33 562-251
Sarajevo, Reisa Džemaludina Čauševića 1



UTOR

STRUČNI TIM

Ministarstva za boračka pitanja

KANTONA SARAJEVA

gen. mr. Vahid Karavelić

brig. Vahid Bogunić

brig. mr. Zijad Rujanac

brig. mr. Dževad Rađo

kap. Kemal Bećirević

NARUČILAC

ZAVOD ZA IZGRADNJU

KANTONA SARAJEVA

Projekat „Opsada i odbrana Sarajeva
92-95“

ELABORAT PODPROJEKTA 1.7
„Obilježavanje mjesta većih stradanja u
Sarajevu“

Sarajevo, juni 2007.godine